

ADMINISTRACIÓN LOCAL MUNICIPAL SAN SADURNIÑO

Ordenanza reguladora do servizo de axuda no fogar

A N U N C I O

Aprobación definitiva da Ordenanza reguladora do servizo de axuda no fogar

Aprobada inicialmente polo Pleno deste Concello, en sesión celebrada o 1 de marzo de 2014 a “Ordenanza reguladora do servizo de axuda no fogar do Concello de San Sadurniño”, de conformidade co disposto no apartado b) do artigo 49 da Lei 7/1985, de 2 de abril, Reguladora das bases do réxime local, e exposta ó público na Secretaría-Intervención municipal durante o prazo de trinta días hábiles, tras a publicación de anuncio no BOP nº 49, do 13/03/14, sen que se presentasen reclamacións nin suxerencias, enténdese definitivamente adoptado o acordo provisional sen necesidade de novo acordo plenario, publicándose en consecuencia o texto completo desa norma, que é o seguinte:

ORDENANZA REGULADORA DO SERVIZO DE AXUDA NO FOGAR DO CONCELLO DE SAN SADURNIÑO

EXPOSICIÓN DE MOTIVOS

A Lei 7/1985, do 2 de abril, reguladora das bases de réxime local establece no seu artigo 25.2 k) que os concellos exercerán, en todo caso, competencias nos termos da lexislación do Estado e das Comunidades Autónomas en materia de prestación de servizos sociais e de promoción e reinserción social.

A Lei 13/2008, do 3 de decembro, de servizos sociais de Galicia, regula o dereito de todas as persoas aos servizos sociais, correspondéndolles aos poderes públicos garantir este dereito, posibilitando así que as liberdades e igualdades entre as persoas sexan reais e efectivas, tal e como consagra a propia Constitución española.

Esta lei establece no seu capítulo II o catálogo de servizos sociais, onde se define o servizo de axuda no fogar coma un servizo consistente en ofrecerlles un conxunto de atencións ás persoas ou familias no seu propio domicilio, para facilitarlles o seu desenvolvemento e a permanencia no seu contorno habitual. Esta mesma lei establece no seu artigo 11.f) que é función dos servizos sociais comunitarios básicos a xestión da axuda no fogar.

Coa entrada en vigor da Lei 39/2006, do 14 de decembro, de promoción da autonomía persoal e atención ás persoas en situación de dependencia, así como a normativa estatal e galega que a desenvolve, fíxose necesario establecer un novo marco regulador de carácter básico dos contidos, formas de prestación e aspectos procedementais e organizativos da axuda no fogar de maneira que coa aprobación da Orde do 22 de xaneiro de 2009 pola que se regula o servizo de axuda no fogar, se estableceron pautas de carácter xeral para asegurar un nivel equitativo de atención a todas as persoas que tiñan limitada a súa autonomía persoal.

O Decreto 254/2011, do 23 de decembro, polo que se regula o réxime de rexistro, autorización, acreditación e a inspección dos servizos sociais en Galicia, establece no seu artigo 7.b) como requisito xeral dos centros e programas de servizos sociais, dispoñer dunhas normas de funcionamento, visadas polo órgano competente, en materia de autorización e inspección de servizos sociais da Xunta de Galicia, que garanta o respecto ao dereito das persoas usuarias e establezan as condicións de prestación e desenvolvemento dos servizos.

Consonte o Decreto 99/2012, do 16 de marzo, polo que se regulan os servizos sociais comunitarios e o seu financiamento, faise necesario adaptar a normativa municipal existente en materia de axuda no fogar co fin de dar cumprimento ao establecido na disposición derradeira primeira deste decreto.

Pola súa banda, o Decreto 149/2013, do 5 de setembro, polo que se define a carteira de servizos sociais para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo, dálle unha nova redacción aos artigos 14.2, 59 e 61 do Decreto 99/2012, do 16 de marzo, polo que se regulan os servizos sociais comunitarios e o seu financiamento, polo que se fai necesario adaptar a normativa municipal existente en materia de axuda no fogar ao establecido nos mencionados artigos.

En consecuencia, e de conformidade co marco normativo sinalado, o Concello de San Sadurniño vén regular os requisitos e as condicións da prestación do servizo de axuda no fogar municipal a través da presente ordenanza reguladora.

CAPÍTULO I: DISPOSICIÓN XERAIS

Artigo 1º.- Obxecto

É obxecto desta ordenanza é a regulación do servizo de axuda no fogar desenvolvido polo Concello de San Sadurniño.

Artigo 2º.- Ámbito de aplicación

O establecido nesta ordenanza é de aplicación ao servizo de axuda no fogar que se desenvolve no Concello de San Sadurniño.

Artigo 3º.- Natureza, definición e obxectivos do servizo

a) O servizo de axuda no fogar é un servizo público de carácter local, consistente en ofrecer un conxunto de atencións ás persoas ou unidades de convivencia no propio domicilio, para facilitarlles o seu desenvolvemento e a permanencia no seu contorno habitual.

b) O servizo de axuda no fogar poderá prestarse a calquera persoa ou unidade de convivencia, para as cales, de acordo coa valoración técnica correspondente, supoña un recurso idóneo de atención. De xeito particular, o servizo atenderá persoas maiores con déficits de autonomía e persoas con discapacidade, especialmente cando carezan de apoio persoal no seu medio inmediato.

c) O servizo de axuda no fogar ten por obxecto prestar un conxunto de atencións ás persoas no seu domicilio, dende unha perspectiva integral e normalizadora, naquelas situacións en que teñan limitada a súa autonomía persoal ou nos casos de desestruturación familiar. Nomeadamente son obxectivos do servizo de axuda no fogar:

- a) Mellorar a calidade de vida das persoas usuarias
- b) Posibilitar a permanencia das persoas no seu contorno de convivencia habitual.
- c) Favorecer e potenciar a autonomía persoal no propio domicilio
- d) Manter, mellorar e recuperar as redes de relación familiar e social
- e) Previr situacións de dependencia ou exclusión social
- f) Retardar ou evitar a institucionalización
- g) Reforzar a solidariedade e potenciar o voluntariado social

Artigo 4º.- Contido do servizo

1. De conformidade coa valoración técnica realizada en cada caso polos servizos sociais, no marco do servizo de axuda no fogar poderán prestarse os seguintes tipos de atención de carácter básico:

a) Atencións de carácter persoal na realización das actividades básicas da vida diaria, tales como:

1. Asistencia para levantarse e deitarse
2. Tarefas de coidado e hixiene persoal, así como para vestirse
3. Control do réxime alimentario e axuda, se é o caso, para alimentarse
4. Supervisión, cando proceda, das rutinas de administración de medicamentos prescritas polo persoal facultativo
5. Apoio para cambios posturais, mobilizacións, orientación espazo-temporal
6. Apoio a persoas afectadas por problemas de incontinencia
7. Outras tarefas para favorecer a atención integral da persoa usuaria

b) Acompañamento persoal na realización doutras actividades complementarias:

- I. Seguimento das intervencións realizadas polo sistema sanitario
- II. Apoio en trámites urxentes de carácter administrativo, xudicial e similares

c) Atención das necesidades de carácter doméstico e da vivenda, tales como:

- I. Limpeza e mantemento da hixiene e salubridade da vivenda
- II. Compra de alimentos e outros produtos de uso común
- III. Preparación dos alimentos
- IV. Lavado e coidado das pezas de vestir, así como do enxoval doméstico
- V. Apoio á unidade familiar
- VI. Coidados e mantemento básico da vivenda

d) Atencións de carácter psicosocial e educativo: intervencións técnico-profesionais formativas e de apoio ao desenvolvemento das capacidades persoais, á afectividade, á convivencia e á integración na comunidade, así como á mellora da estruturación familiar

2. Con carácter complementario, unha vez garantido o nivel básico de atención, o servizo de axuda no fogar poderá incorporar, entre outras, as seguintes actuacións e servizos:

a) Actividades de acompañamento, socialización e desenvolvemento de hábitos saudables

b) Servizo de préstamo de axudas técnicas para persoas en situación de dependencia ou dependencia temporal. Para estes efectos enténdese por axuda técnica calquera produto, dispositivo, equipamento, instrumento, tecnoloxía ou software, fabricado especialmente ou dispoñible no mercado, para previr, compensar, controlar, mitigar ou neutralizar deficiencias ou limitacións na actividade e restricións na participación social das persoas

c) Prestación de atención a distancia mediante dispositivos de teleseguimento, teleasistencia e similares

d) Adaptacións funcionais do fogar

e) Servizo de podoloxía

f) Servizo de fisioterapia

3. Poderán integrarse, ademais, dentro do servizo de axuda no fogar, determinadas atencións e actividades que se desenvolvan fóra do marco do domicilio da persoa usuaria, sempre que, de acordo coa prescrición técnica sobre o contido do servizo, incidan de maneira significativa na posibilidade de permanencia no fogar e na mellora da autonomía e calidade de vida.

4. En todo caso, as atencións prestadas terán un carácter de reforzo e non substitutivo das propias capacidades da persoa usuaria ou doutras persoas do seu contorno inmediato, de maneira que se facilite e promova a súa autonomía.

5. En ningún caso poderán formar parte das actuacións desenvolvidas polo servizo:

a) A realización de actividades domésticas que non fosen incluídas no proxecto de intervención e no acordo de servizo

b) Actuacións, que polo seu carácter sanitario, deban en todo caso ser realizadas por persoal facultativo

Artigo 5º.- Persoas destinatarias

1. O servizo de axuda no fogar estará aberto a todas as persoas ou unidades de convivencia para as que, de acordo coa valoración técnica correspondente, supoña un recurso idóneo de atención. De xeito particular, o servizo atenderá a persoas maiores con déficits de autonomía e a persoas con discapacidade, especialmente cando carezan de apoio persoal no seu contorno inmediato, así como fogares con menores, en que se observe a necesidade dunha intervención de carácter socioeducativo. Tamén poderá dar unha resposta preventiva e socializadora a diversas situacións de familias en risco de exclusión social.

2. En todo caso, darase prioridade de acceso ao servizo ás persoas que teñan un dereito recoñecido de atención dentro do sistema de autonomía e atención á dependencia.

Artigo 6.- Dereitos das persoas usuarias

As persoas usuarias do servizo, no marco dos dereitos que con carácter xeral se lle recoñecen na lexislación aplicable sobre servizos sociais e, se é o caso, sobre o procedemento administrativo común, terán dereito:

a) A seren tratadas co respecto debido á súa dignidade, intimidade e autonomía

b) A accederen e utilizaren o servizo en condicións de igualdade e non discriminación

c) A recibiren unha atención individualizada e adaptada ás súas necesidades, coa calidade e duración determinadas en cada caso

d) A recibiren unha información de xeito áxil, suficiente, veraz e comprensible sobre os recursos e as prestacións do sistema galego de servizos sociais, así como a que sexan asistidas e orientadas nos trámites necesarios de cara ao seu acceso aos demais sistemas de benestar social.

e) A teren asignada unha persoa profesional de referencia que actúe como interlocutora principal e que asegure a coherencia da intervención

f) A coñeceren a organización e o regulamento do servizo

g) Ao tratamento confidencial dos seus datos, de acordo co disposto na Lei Orgánica 15/1999, do 13 de decembro, de protección de datos de carácter persoal

h) A coñeceren a situación do seu expediente

i) A seren informadas, de xeito claro e preciso, sobre a intervención prevista e elixir libremente, dentro da capacidade de oferta do sistema e logo da valoración técnica, o tipo de medidas ou de recursos adecuados para o seu caso, así como a participar na toma de decisións que modifiquen o proceso de intervención acordado

j) Á calidade dos servizos recibidos e a presentaren queixas e suxestións á persoa coordinadora do servizo

k) Ao respecto dos seus dereitos lingüísticos, garantindo, en todo caso, o desenvolvemento da actividade do servizo dende a práctica dunha oferta positiva do idioma galego

Artigo 7º.- Deberes das persoas usuarias

As persoas usuarias, no marco dos deberes que con carácter xeral se establecen no artigo 7 da Lei 13/2008, de servizos sociais de Galicia, e, se é o caso, na lexislación vixente sobre o procedemento administrativo común, terán os seguintes deberes:

a) Cumpriren as normas, requisitos e procedementos para o acceso aos diferentes servizos

b) Facilitaren a información precisa e veraz sobre as circunstancias determinantes para o acceso e utilización dos servizos, así como comunicaren ao persoal de referencia, os cambios de circunstancias familiares, sociais ou financeiras que puidesen resultar relevantes na asignación, modificación, suspensión ou extinción das prestacións ou servizos

c) Cumpriren coas condicións do servizo, facilitando e colaborando na execución das tarefas do persoal ao seu cargo e poñendo á súa disposición, cando se trate dun servizo realizado no domicilio, os medios materiais necesarios

d) Colaboraren co persoal encargado do seu caso, acudindo ás entrevistas programadas, seguindo as orientacións e participando no desenvolvemento das actividades incluídas no servizo, centro ou programa en función das súas capacidades e nos termos acordados en cada caso

e) Manteren unha actitude positiva de colaboración coas persoas profesionais dos servizos sociais comunitarios, participando activamente no proceso pautado de mellora, autonomía persoal e inserción social

f) Facilitaren e cooperaren no seguimento, avaliación e inspección do servizo

g) Respectaren a dignidade persoal e profesional das persoas que lles presten o servizo, así como respectar os límites das súas obrigas laborais

h) Comunicaren, cun período mínimo de antelación de dez días, en circunstancias ordinarias e previsibles, calquera ausencia temporal que puidese impedir ou dificultar a execución dos servizos que, se fose o caso, se prestasen no seu domicilio

Artigo 8º.- Causas de extinción e modificación do servizo

1. Son causas de extinción do servizo de axuda no fogar as seguintes:

a) A renuncia da persoa usuaria

b) O cambio de programa individual de atención ou do proxecto de intervención que implique un cambio de asignación de recurso e a súa incompatibilidade co servizo de axuda no fogar

c) O traslado definitivo da súa residencia a outro concello

d) O falecemento da persoa usuaria

e) O incumprimento reiterado dos deberes e obrigas establecidas para as persoas usuarias na prestación do servizo

f) A falta reiterada de pagamento do servizo

g) A desaparición das causas que motivaron a prestación do servizo

2. Ademais, con carácter xeral, a alteración das circunstancias tidas en conta para a concesión do servizo, poderá dar lugar á modificación das condicións de prestación nas que fora concedido inicialmente. Os cambios de circunstancias, en calquera caso, deberán substanciarse no expediente individual, mediante un novo informe social.

3. Cando se trate dun servizo público de axuda no fogar, asignado a persoas en situación de dependencia, na correspondente resolución de Programa Individual de Atención, consonte ao establecido na Orde de 2 de xaneiro de 2012, de desenvolvemento do Decreto 15/2010, do 4 de febreiro, polo que se regula o procedemento para o recoñecemento do sistema para a Autonomía e Atención á Dependencia, o procedemento para a elaboración do Programa Individual de Atención e a organización e funcionamento dos órganos técnicos competentes, modificado polo Decreto 148/2011, do 7 de xullo, a incoación por parte da entidade titular do servizo, dun expediente de extinción ou modificación das condicións de prestación do servizo, deberá notificarse en todo caso ao órgano competente para ditar resolución de Programa Individual de Atención.

Artigo 9º.- Causas de suspensión temporal do servizo

Son causa de suspensión temporal do servizo, logo de tramitación do correspondente expediente e informe razoado do persoal técnico coordinador do servizo, que deberá incorporarse ao expediente persoal, as que seguen:

a) Ausencia temporal do domicilio: neste caso o servizo poderá suspenderse por un máximo de tres meses para as persoas usuarias que accedan ao servizo polo sistema de libre concorrència e por un máximo de dous meses para as persoas usuarias de dependencia, debendo acreditar a persoa usuaria as causas que motivan a súa ausencia.

b) Modificación temporal das causas que motivaron a necesidade do servizo: poderá suspenderse o servizo en tanto persista o cambio de circunstancias causante da suspensión, coa excepción das prazas vinculadas a un dereito exercido dentro do sistema de autonomía e a atención á dependencia, suposto no que se estará ao disposto na correspondente normativa reguladora.

CAPÍTULO II. DA PRESTACIÓN DO SERVIZO**SECCIÓN 1ª. DISPOSICIÓNS COMÚNS****Artigo 10º.- Forma de prestación do servizo**

O servizo público de axuda no fogar será prestado polo Concello de San Sadurniño de xeito directo con medios propios.

Artigo 11º.- Requisitos do persoal

1. Existirá un ou unha profesional de referencia, que actuará como coordinador ou coordinadora do servizo e que deberá estar en posesión dun título de grao universitario, ou homologable, na área de servizos sociais. No caso de que o número de persoas usuarias sexa menor de 50, o persoal técnico mínimo exixible será de 0,02 profesionais en cómputo de xornada completa por persoa usuaria. Nos demais casos aplicarase a seguinte táboa:

Número de persoas usuarias	Persoal técnico mínimo
50 a 99	1 técnica/o titulada/o a xornada completa
100 a 199	2 técnicas/os tituladas/os a xornada completa
200 a 399	3 técnicas/os tituladas/os a xornada completa
Incrementos sucesivos	Por cada grupo de 200 persoas usuarias corresponderá un incremento de 1 técnica/o titulada/o a xornada completa

2. O persoal que presta atención directa nos domicilios das persoas usuarias estará formado por auxiliares de axuda no fogar, que, no caso de prestaren o servizo a persoas en situación de dependencia valorada, deberán estar en posesión do título de Técnico en Atención a Persoas en Situación de Dependencia ou equivalente, regulado no Real Decreto 1593/2011, do 4 de novembro, ou en posesión do certificado de profesionalidade de atención sociosanitaria a persoas no domicilio ou equivalente, regulado no Real Decreto 1379/2008, do 1 de agosto, polo que se establecen os certificados de profesionalidade da familia profesional de servizos socioculturais e á comunidade.

3. O seguimento da prestación do servizo nos domicilios das persoas usuarias realizarase polo persoal coordinador, sempre que as circunstancias o fagan necesario e, como mínimo, con carácter bimestral. Da supervisión realizada quedará constancia no correspondente expediente individual. Mediante esta supervisión revisarase e axustarase, se for o caso, o contido das prestacións expresado no proxecto de intervención e no acordo de servizo.

Artigo 12º.- Expediente individual

1. O Concello de San Sadurniño abrirá un expediente por cada persoa usuaria ou por cada unidade de convivencia á que presta o servizo, no cal constará, cando menos:

- Un informe social, asinado por un traballador ou traballadora social da entidade titular do servizo
- Un proxecto de intervención, asinado pola técnica ou técnico responsable, segundo o Anexo II desta ordenanza
- Un acordo de servizo asinado entre o Concello de San Sadurniño e a persoa usuaria, segundo o Anexo III desta ordenanza
- Os informes de seguimento periódicos, que terán un carácter bimestral, ou extraordinarios, cando as circunstancias así o aconsellen

2. O tratamento da información contida nos expedientes, realizarase de acordo coa Lei orgánica 15/1999, do 13 de decembro, de protección de datos de carácter persoal

SECCIÓN 2ª. DA PRESTACIÓN DO SERVIZO

Artigo 13º.- Modalidades de acceso ao servizo, organización e procedemento

1. O acceso ao servizo de axuda no fogar municipal será prioritario e directo para as persoas que, tendo recoñecida unha situación de dependencia, se lles asigne a axuda no fogar na correspondente resolución de programa individual de atención, e consonte a aplicación do programa de asignación de recursos, establecido no título II do Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do sistema para a autonomía e atención á dependencia, o procedemento para a elaboración do programa individual de atención e a organización e funcionamento dos órganos técnicos. Para estes efectos, o Concello de San Sadurniño, cando for o caso, procederá a dar de alta ás persoas en agarda, de acordo coa orde de prelación establecida no programa de asignación de recursos. As persoas para as que o programa individual de atención, determine o servizo de axuda no fogar como recurso principal ou idóneo terán, en todo caso, preferencia sobre aquelas ás que se lles asigne o servizo de axuda no fogar como respiro da persoa coidadora.

2. Para as persoas que non teñan o recoñecemento da situación de dependencia, ou non as asista o dereito de acceso efectivo ao catálogo de servizos de atención á dependencia, segundo o calendario de implantación que se establece na Lei 39/2006, o acceso ao servizo, logo da prescrición técnica do ou da profesional de referencia resolverase en réxime de libre concorrencia, segundo o seguinte procedemento:

a) Presentación no Rexistro municipal do Concello da solicitude, segundo o anexo I desta ordenanza, dirixida á Alcaldía, acompañada da seguinte documentación:

I. Fotocopia do documento de identidade da persoa beneficiaria do servizo e das persoas que convivan no mesmo domicilio, se for o caso

II. Fotocopia da tarxeta sanitaria da persoa solicitante

III. Certificado de convivencia

IV. Informe médico ou clínico sobre o seu estado de saúde

V. Certificado de discapacidade e/ou certificado do grao de dependencia, se for o caso

VI. Xustificantes de ingresos da persoa solicitante e do resto dos membros da unidade de convivencia:

1. Fotocopia da última declaración da renda, ou no seu defecto, certificado de imputacións do IRPF, expedido pola Axencia Tributaria correspondente

2. Certificados de todos os ingresos procedentes de salarios, pensións, subsidios e outros bens que posúan

3. Xustificante de aluguer de vivenda, de ser o caso

4. Calquera outra documentación que sexa requirida polo traballador/a social para a valoración do seu expediente

b) As solicitudes incompletas contarán cun prazo de 10 días para emendar as deficiencias; en caso de non facelo, serán arquivadas sen máis trámite, tal como se establece na lexislación que regula o procedemento administrativo

c) As solicitudes presentadas serán valoradas polo/a traballador/a social dos servizos sociais comunitarios do Concello, que, unha vez realizada a correspondente visita domiciliaria, determinará, mediante o informe técnico, a idoneidade do servizo, así como a intensidade recomendable para cada caso concreto, tendo en conta todas as circunstancias de necesidade e a aplicación do baremo establecido a tal fin, consonte o Anexo IV

d) O departamento de Servizos Sociais elaborará un Informe-proposta que será elevado á Xunta de Goberno Local, para que dite a correspondente resolución. O prazo máximo para resolver será de tres meses. No caso de que sexa favorable, a resolución terá a consideración de alta no servizo. En caso de non existir dispoñibilidade, a solicitude pasará a integrarse na lista de agarda, nunha orde de prioridade determinada pola puntuación que obtivese na aplicación do baremo. No caso de empate da puntuación, atenderase por orde temporal da demanda

e) Cando concorran circunstancias que aconsellen a intervención inmediata do servizo, a Alcaldía resolverá o expediente, á vista do informe-proposta do/a traballador/a social. Este informe conterá as causas que motiven a tramitación pola vía de urxencia. O procedemento de urxencia terá validez mentres se manteña a situación desencadeante. A desaparición desta, levará consigo a extinción do servizo e a tramitación pola vía ordinaria

f) Para o inicio da prestación do servizo será requisito previo asinar o acordo de servizo, segundo o modelo establecido no Anexo III desta ordenanza

g) Anualmente, farase unha revisión de todas as persoas beneficiarias do servizo, co fin de comprobar que cumpren as condicións para a continuidade do mesmo. Para a renovación anual do servizo, as persoas beneficiarias deberán presentar a documentación establecida no apartado 2.a) deste artigo, agás aquela que xa conste no seu expediente individual

3. O tratamento da información contida nos expedientes individuais, realizarase de acordo coa normativa vixente en materia de protección de datos de carácter persoal.

Artigo 14º.- Desenvolvemento da prestación do servizo

1. O prazo de alta no servizo, será como máximo dunha semana, dende que á persoa usuaria se lle asigna o recurso dende o Programa de Asignación de Recursos para as persoas que acceden ao servizo na modalidade de dependencia, ou dende que se dita a resolución da Alcaldía, para as persoas que acceden ao servizo na modalidade de libre concorrência. Para as persoas usuarias ás que se lles concede o servizo, pola vía de urxencia, o prazo de alta será como máximo de dous días.

2. Previo ao inicio do servizo, o persoal técnico realizará unha avaliación da situación e establecerá un consenso coa persoa usuaria, sobre as actuacións e tarefas que se han desenvolver no domicilio. Designarase tamén a persoa profesional de referencia.

3. A asignación do persoal de atención directa farase con base ao perfil requirido para cada caso concreto, e se realizará unha visita domiciliar para a presentación do persoal de atención directa á persoa usuaria.

4. Se a persoa beneficiaria, rexeita ao/á auxiliar de axuda no fogar que se lle asigna, sen razón suficientemente xustificada, pasará á lista de agarda ata que se lle asigne outro/a auxiliar, sempre que sexa tecnicamente posible.

5. Os cambios no persoal técnico asignado, así como nos horarios de prestación do servizo, que deban efectuarse por circunstancias de necesidades de organización do servizo, comunicaranse á persoa beneficiaria, seguindo en vigor o acordo asinado.

6. Para o inicio da prestación do servizo, será requisito previo asinar o acordo de servizo, segundo o modelo establecido no Anexo III desta ordenanza.

7. O persoal técnico elaborará un proxecto de intervención, segundo o Anexo II desta ordenanza, que deberá conter:

- a) Días da semana de atención
- b) Horario concreto no que se desenvolverá a prestación
- c) Identidade do persoal de atención directa responsable da execución do proxecto
- d) Obxectivos e tarefas que se van desempeñar no domicilio
- e) Seguimento efectivo da prestación no domicilio da persoa usuaria, con carácter mínimo bimensual

8. Farase entrega á persoa usuaria dunha copia da ordenanza municipal de axuda no fogar, debidamente visada polo órgano competente.

9. Así mesmo, entregarase á persoa usuaria e ao persoal de atención directa o documento que conteña as tarefas que se han desenvolver no domicilio.

10. Informarase ás persoas usuarias da existencia dun libro de reclamacións, que estará á súa disposición para calquera queixa ou reclamación. No caso de queixa ou reclamación, facilitarase unha copia da queixa á persoa usuaria e remitirase o orixinal ao servizo de inspección no prazo de tres días, xunto cun informe do caso, segundo establece o artigo 6.i) do Decreto 254/2011, do 23 de decembro, polo que se regula o réxime de rexistro, autorización, acreditación e a inspección dos servizos sociais en Galicia.

Artigo 15º.- Intensidade na prestación do servizo

1. A intensidade do servizo determinarase, con carácter xeral, en horas mensuais de atención, distribuídas en función das necesidades da persoa usuaria e do informe técnico.

2. A intensidade do servizo de axuda no fogar, para as persoas atendidas no marco do sistema de autonomía persoal e atención á dependencia, estará predeterminada no seu programa individualizado de atención. A súa aplicación horaria será flexible e conforme co proxecto de intervención, de xeito que, cando menos, se garanta a cobertura das necesidades de atención de carácter persoal na realización das actividades básicas da vida diaria, relacionadas no artigo 4.1ºa) da Orde de 22 de xaneiro de 2009, pola que se regula o servizo de axuda no fogar, todos os días da semana.

3. Nos restantes casos, a intensidade do servizo, virá determinada na prescrición efectuada polo departamento de servizos sociais do Concello.

Artigo 16º.- Determinación da capacidade económica do sistema de atención a persoas usuarias da dependencia

1. A capacidade económica das persoas dependentes, valoradas con dereito recoñecido de atención, mediante o servizo de axuda no fogar, calcularase de acordo coas normas de valoración contidas no capítulo II do título III do Decreto 149/2013, do 5 de setembro, polo que se define a carteira de servizos sociais para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo, observándose as normas de aplicación á materia, vixentes en cada momento, polo órgano competente en materia de servizos sociais da Xunta de Galicia.

2. O resultado do cálculo da capacidade económica, correspondente ás persoas dependentes valoradas con dereito de atención recoñecido no servizo de axuda no fogar, constará na resolución do plan individualizado de atención que se desenvolva en cada caso, de conformidade co que establece o artigo 38 do Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do sistema para a autonomía e atención á dependencia, o procedemento para a elaboración do programa individual de atención e a organización e funcionamento dos órganos técnicos competentes.

Artigo 17º.- Determinación da capacidade económica das persoas usuarias doutros servizos que impliquen copagamento

No servizo de axuda no fogar prestado a persoas ou unidades de convivencia distintas ás referidas no artigo anterior, o cómputo da capacidade económica farase de acordo cos seguintes criterios:

a) Computarase a renda de todas as persoas residentes na mesma unidade de convivencia. Para estes efectos considérase renda a suma de calquera das modalidades de ingreso a que se refire o artigo 6.2 da Lei 35/2006, do 28 de novembro, do imposto sobre a renda das persoas físicas

b) Computarase, así mesmo, o patrimonio neto de todas as persoas residentes na unidade de convivencia. Para estes efectos, enténdese por patrimonio neto o conxunto de bens e dereitos de contido económico de que sexan titulares, determinados consonte as regras de valoración recollidas na Lei 19/1991, do 6 de xuño, do imposto sobre o patrimonio, con dedución das cargas e gravames de natureza real que diminúan o seu valor, así como das débedas e obrigas persoais das cales deba responder. Igualmente, para o cómputo do patrimonio neto deberán terse en conta as exencións que prevé a Lei 19/1991, do 6 de xuño, do imposto sobre o patrimonio, ao respecto da vivenda habitual e doutros bens e dereitos

c) A capacidade económica calcularase sumando todas as rendas computables, modificadas á alza pola suma dun 5% do patrimonio neto en cómputo anual, e dividindo o resultado da dita suma entre o total de persoas que convivan no fogar

SECCIÓN 3ª. DA XESTIÓN ECONÓMICA

Artigo 18º.- Feito imposable

Esta ordenanza regula tamén o prezo público pola utilización do servizo de axuda no fogar, tal e como se recolle nos artigos a seguir.

Artigo 19º.- Persoas obrigadas ao pagamento

Están obrigadas ao pagamento do prezo público regulado nesta ordenanza as persoas físicas usuarias do servizo de axuda no fogar prestado por este Concello.

Artigo 20º.- Participación no financiamento do servizo das persoas dependentes con dereito de atención recoñecido como usuarias do servizo de axuda no fogar

1. No caso de que a capacidade económica da persoa usuaria do servizo de axuda no fogar para persoas dependentes valoradas con dereito de atención recoñecido, sexa igual ou inferior ao indicador público de rendas a efectos múltiples (IPREM), quedará exenta da obriga de participar no custo do servizo.

2. Nos demais supostos, aplicarase a seguinte táboa, na cal se expresa o copagamento en termos de porcentaxe sobre a capacidade económica da persoa usuaria e en función da intensidade do servizo asignado:

Capacidade económica (referenciada ao IPREM) Ata	Grao I	Grao II	Grao III
	<=20 h	<=45 h	<=70 h
100,00 %	0,00 %	0,00 %	0,00 %
115,00 %	4,52 %	9,61 %	14,70 %
125,00 %	5,41 %	11,50 %	17,58 %
150,00 %	5,55 %	11,79 %	18,03 %
175,00 %	5,65 %	12,00 %	18,35 %
200,00 %	5,72 %	12,16 %	18,60 %
215,00 %	5,81 %	12,34 %	18,87 %
250,00 %	6,03 %	12,82 %	19,61 %
300,00 %	6,24 %	13,26 %	20,29 %
350,00 %	6,42 %	13,63 %	20,85 %
400,00 %	6,54 %	13,90 %	21,25 %
450,00 %	6,63 %	14,09 %	21,55 %
500,00 %	6,70 %	14,25 %	21,79 %
>500 %	6,76 %	14,36 %	21,97 %

3. Nos casos en que, por renuncia parcial expresa da persoa beneficiaria ao seu dereito de atención co número de horas expresadas no PIA, ou cando por tratarse dun suposto de compatibilización do SAF con outro servizo ou prestación do catálogo, as horas reais prestadas de servizo de axuda no fogar sexan inferiores á cantidade expresada en cada columna da táboa anterior para o grao correspondente, a cantidade a pagar será minorada proporcionalmente á diminución das horas efectivas de servizo.

4. En ningún caso, o importe da participación económica que deberá ingresar a persoa beneficiaria en concepto de copagamento poderá exceder o 90% do custo do servizo, determinado en termos de prezo/hora.

5. No caso das atencións e servizos complementarios do nivel básico do servizo de axuda no fogar, prestados ás persoas dependentes valoradas con dereito de atención recoñecido, para os efectos de facer efectiva a obriga de participar no custo do servizo por parte das persoas usuarias, aplicarase a seguinte táboa, na cal se expresa a súa participación en termos de porcentaxe sobre a capacidade económica da persoa usuaria e en función da intensidade e do tipo de atención ou servizo asignado:

% Capacidade económica (referenciada ao IPREM) Ata	Grao I			Grao II			Grao III		
	Adaptacións funcionais do fogar, podoloxía, fisioterapia	Actividades de acompañamento, socialización e desenvolvemento de hábitos saudables	Servizo de préstamo de axudas técnicas	Adaptacións funcionais do fogar, podoloxía, fisioterapia	Actividades de acompañamento, socialización e desenvolvemento de hábitos saudables	Servizo de préstamo de axudas técnicas	Adaptacións funcionais do fogar, podoloxía, fisioterapia	Actividades de acompañamento, socialización e desenvolvemento de hábitos saudables	Servizo de préstamo de axudas técnicas
	<=15			<=28			<=45		
100,00 %	0,00 %	12,87 %	13,76 %	0,00 %	22,73 %	24,29 %	0,00 %	35,51 %	37,95 %
115,00 %	5,98 %	13,10 %	14,00 %	10,56 %	23,12 %	24,71 %	16,50 %	36,13 %	38,61 %
125,00 %	7,15 %	13,39 %	14,31 %	12,63 %	23,64 %	25,26 %	19,73 %	36,94 %	39,47 %
150,00 %	7,34 %	13,52 %	14,44 %	12,95 %	23,87 %	25,50 %	20,24 %	37,29 %	39,85 %
175,00 %	7,47 %	13,61 %	14,54 %	13,18 %	24,03 %	25,67 %	20,60 %	37,54 %	40,12 %
200,00 %	7,57 %	13,76 %	14,70 %	13,36 %	24,29 %	25,96 %	20,87 %	37,96 %	40,56 %
215,00 %	7,68 %	13,83 %	14,78 %	13,56 %	24,42 %	26,09 %	21,18 %	38,16 %	40,77 %
250,00 %	7,98 %	13,96 %	14,91 %	14,09 %	24,64 %	26,33 %	22,01 %	38,50 %	41,14 %
300,00 %	8,25 %	14,06 %	15,02 %	14,57 %	24,82 %	26,52 %	22,77 %	38,78 %	41,44 %
350,00 %	8,48 %	14,16 %	15,13 %	14,98 %	25,00 %	26,72 %	23,40 %	39,07 %	41,74 %
400,00 %	8,65 %	14,35 %	15,33 %	15,27 %	25,33 %	27,06 %	23,85 %	39,57 %	42,29 %
>400,00 %	8,77 %	14,48 %	15,48 %	15,48 %	25,57 %	27,32 %	24,19 %	39,95 %	42,69 %

Artigo 21º.- Participación das persoas usuarias no financiamento doutros servizos que impliquen copagamento

1. No servizo de axuda no fogar en réxime de libre concorrencia, para as persoas que non teñan o recoñecemento da situación de dependencia, ou non as asista o dereito de acceso efectivo ao catálogo de servizos de atención á dependencia, segundo o calendario de implantación que se establece na Lei 39/2006, aplicarase a seguinte táboa que regula unha progresiva participación económica no custo do servizo con base no cálculo da capacidade económica per cápita, de acordo co establecido no artigo 17 desta ordenanza.

Capacidade económica	Participación no custe do servizo de SAF básico
Menor de 0,80 IPREM	0%
Maior de 0,80 e menor ou igual a 1,50 IPREM	20,00%
Maior de 1,50 e menor ou igual a 2,00 IPREM	35,00%
Maior de 2,00 e menor ou igual a 2,50 IPREM	55,00%
Maior de 2,50 IPREM	75,00%

2. Sen prexuízo do anterior, poderán establecerse excepcións aos criterios xerais do referido copagamento nos casos en que a situación causante da aplicación do servizo de axuda no fogar sexa unha problemática de desestruturación familiar, exclusión social ou pobreza infantil, circunstancias que deberán estar debidamente xustificadas no correspondente informe social.

3. En calquera caso, establecerase un límite máximo de participación económica das persoas usuarias do 40% da súa capacidade económica.

Artigo 22º.- Custo do servizo de SAF básico

O custo do servizo básico de SAF queda fixado nun prezo da hora de prestación do servizo de 12,00 €, revisable anualmente e de forma automática segundo o índice de prezos ao consumo (IPC) publicado polo Instituto Nacional de Estatística.

Artigo 23º.- Nacemento da obriga e forma de pagamento

O réxime xurídico da participación económica das persoas usuarias no custo do servizo é o establecido polo Real Decreto Lexislativo 2/2004, do 5 de marzo, polo que se aproba o texto refundido da Lei de facendas locais.

A obriga de pagar os prezos públicos regulados nesta ordenanza nace, en xeral, dende que se inicie a prestación do servizo e deberá facerse efectivo de acordo coas seguintes normas de xestión:

a) Os prezos públicos contemplados nesta ordenanza satisfaranse con carácter posterior á prestación do servizo e con carácter específico, durante os vinte primeiros días do mes seguinte

b) Por parte do Concello e, con base no parte de traballo asinado conxuntamente pola persoa usuaria e polo persoal de atención directa, elaborárase un recibo individual co importe correspondente ao servizo prestado no mes anterior, que se remitirá á entidade bancaria elixida pola persoa beneficiaria, para que se efectúe o cobramento

Artigo 24º.- Afectación dos ingresos municipais polo copagamento dos servizos

De conformidade co artigo 56.7 de Lei 13/2008, de servizos sociais de Galicia, en todo caso, os ingresos que recade o Concello de San Sadurniño en concepto de achega das persoas usuarias para a súa participación no custo dos servizos sociais comunitarios, estarán afectados ao financiamento dos servizos sociais que reciban.

CAPÍTULO III: INFRACCIÓNS E SANCIONES**Artigo 25º. - Infraccións e sancions**

As infraccións e sancions rexeranse, no relativo aos pagamentos, pola Lei 58/2003, do 17 de decembro, xeral tributaria e polo Real Decreto 939/2005, do 29 de xullo, polo que se aproba o regulamento xeral de recadación, e no resto das materias, polo disposto na Lei 13/2008, de 3 de decembro, de servizos sociais de Galicia.

DISPOSICIÓN ADICIONAL PRIMEIRA

Delégase na Xunta de Goberno Local a facultade de interpretar e aplicar as disposicións contidas nesta ordenanza así como a redacción das instrucións que foren necesarias para a súa correcta interpretación.

DISPOSICIÓN ADICIONAL SEGUNDA

O SAF no Concello de San Sadurniño adaptarase en todo momento á normativa estatal e autonómica vixente sobre o Sistema de Autonomía e Atención á Dependencia.

DISPOSICIÓN DERROGATORIA

A presente Ordenanza derroga expresamente a Ordenanza Fiscal nº 17, reguladora do prezo público pola utilización do servizo de axuda no fogar, publicada no BOP nº 126 de 4 de xuño de 2009, o Regulamento do servizo de axuda no fogar, publicado no BOP nº 252, do 26 de novembro de 2009 e calquera outra disposición de igual ou inferior rango que sexa contraria á mesma.

ENTRADA EN VIGOR

Consonte o disposto na Lei 7/1985, do 2 de abril, reguladora das bases de réxime local, a presente ordenanza entrará en vigor o día primeiro do mes seguinte ao da súa publicación no Boletín Oficial da Provincia, permanecendo en vigor ata a súa modificación ou derogación expresa.

ANEXO I

SOLICITUDE DE PRESTACIÓN DO SERVIZO DE AXUDA NO FOGAR

APELIDOS		NOME	DNI
ENDEREZO			
LOCALIDADE	PROVINCIA	CÓDIGO POSTAL	TELÉFONO

SOLICITA, a valoración da súa solicitude para a prestación do Servizo de Axuda no Fogar, conforme á normativa municipal que regula este servizo, para o que achega a seguinte documentación:

- a) Fotocopia do documento de identidade da persoa solicitante e dos outros membros da unidade de convivencia, entendéndose como tal o conxunto de persoas que residen nun mesmo fogar
- b) Fotocopia da tarxeta sanitaria da persoa beneficiaria
- c) Documentación acreditativa de todos os ingresos (nóminas, certificacións de pensións, prestacións...) da unidade de convivencia
- d) Fotocopia da última declaración do IRPF ou, no seu defecto, declaración xurada de non estar obrigado/a a facela
- e) Declaración xurada da persoa solicitante na que se faga constar a carencia absoluta de rendas familiares ou a contía das mesmas
- f) Recibo de alugueiro ou amortización da vivenda
- g) Informe médico da persoa solicitante que acredite a carencia de autonomía persoal e o tratamento que é necesario controlar
- h) Certificado de recoñecemento de minusvalía ou resolución do grao de dependencia da persoa solicitante ou das persoas que convivan con ela
- i) Declaración xurada de non ter dereito a axuda no fogar por outra entidade ou organismo
- j) Outro documento que se considere necesario para a valoración do expediente (indicar o tipo de documento: _____)

Declaro que os datos e a documentación que achego con esta solicitude son certos.

San Sadurniño, _____ de _____ de 20____

Asdo.

ALCALDE-PRESIDENTE DO CONCELLO DE SAN SADURNIÑO

De acordo co establecido pola lei Orgánica 15/1999, de 13 de decembro, de Protección de Datos de Carácter Persoal, consinto que estes datos sexan incluídos nun ficheiro automatizado do que é titular CONCELLO DE SAN SADURNIÑO e poidan ser utilizados para a xestión administrativa do Concello, e declaro estar informado/a sobre os dereitos de acceso, rectificación, cancelación e oposición que poderei exercer no domicilio de CONCELLO DE SAN SADURNIÑO na Avda. Marqués de Figueroa 5; 15560 – San Sadurniño.

ANEXO II

SERVIZO DE AXUDA NO FOGAR

Proxecto de intervención

1.-Datos de identificación do expediente

Expediente ¹	Intervención n ^o ²	Data de solicitude	Data de inicio

Sector de referencia ³	Ámbito de atención ³	Nº total de persoas usuarias

Nome e apelidos	Data de nacemento	Documento de identidade	Sexo	Estado civil

Proxecto	Data do proxecto	Data fin do proxecto

Antecedentes relevantes:

2.-Atención a prestar

Días da semana

L	M	Mx	X	V	S	D	Nº de horas semanais	Horario

Tipo de servizo a prestar ⁴

Perfil dos/as profesionais

Outros servizos:

3.-Existencia doutros servizos ou apoios prestados a domicilio:

Existencia:

Servizos/apoios:

Nº de horas semanais:

4.-Obxectivos específicos e tarefas que se propoñen:

Obxectivos do servizo proposto:

Tarefas a realizar:

5.-Periodicidade do seguimento (mínimo bimensual)

Persoal técnico responsable

Asdo.:

¹ Identificación do expediente en SIUSS

² Número de orde desta intervención en relación co total realizadas neste expediente

³ Tipoloxía SIUSS

⁴ Pódese empregar a tipoloxía SIUSS

ANEXO III

SERVIZO DE AXUDA NO FOGAR

Acordo de servizo

Reunidos en _____ o día ____ de _____ de 20____, dunha parte don/dona _____ con documento de identidade nº _____, e doutra _____, en calidade de Técnica responsable do servizo de axuda no fogar do Concello de San Sadurniño

ACORDAN:

1. Que o Concello de San Sadurniño prestará o Servizo de Axuda no Fogar (SAF), á persoa arriba citada, dende o día ____ do _____ de 20__
2. Que a prestación do Servizo de Axuda no Fogar se realizará por un prazo de _____, con posibilidade de prórroga segundo a valoración técnica do departamento de Servizos Sociais
3. Que o SAF se levará a cabo os días da semana _____, en horario de _____, por un total de ____ horas semanais
4. Que atendendo á Orde do ____ de _____ de 20__ que regula o Servizo de Axuda no Fogar, a ordenanza municipal que regula as taxas do SAF, e á aplicación do baremo que lla corresponda, a persoa usuaria comprométese a achegar a cantidade de _____ euros mensuais, como contribución ao custe do servizo
5. Que a persoa usuaria acepta domiciliar o abono da taxa do SAF establecido no punto 4º, na entidade bancaria _____, no número de conta (IBAN) _____.
6. Que, de acordo co proxecto de intervención establecido para o caso, as actividades que se fixan inicialmente para o desenvolvemento do SAF son as seguintes:
 - Atencións de carácter persoal
 - Atencións de carácter apoio psicosocial
 - Atencións de carácter doméstico
 - Atencións de carácter socio-educativo
 - Atencións de carácter técnico e complementario
 - Outras: _____

Que as tarefas que se fixan inicialmente para o desenvolvemento do SAF, e que serán levadas a cabo polo persoal auxiliar do servizo serán as seguintes: _____

7. Que, así mesmo, a persoa usuaria, a súa familia ou persoas achegadas se comprometen a levar a cabo as seguintes tarefas: _____

8. Que as modificacións que puidese haber nas condicións inicialmente estipuladas neste acordo deberán ser recollidas nun novo documento asinado pola persoa usuaria e a persoa responsable do SAF, sendo anexadas ao acordo orixinal

9. Que o servizo se prestará atendendo ás condicións reguladas na Orde do ____ de _____ de 20__ que regula o Servizo de Axuda no Fogar e na ordenanza municipal sobre o SAF, onde están recollidos os dereitos e obrigas da persoa usuaria, as baixas temporais e as causas de extinción

Ambas as partes dan a súa conformidade ao presente acordo de prestación do SAF, e asinan

San Sadurniño, ____ de _____ de 20____

Asdo.

A persoa usuaria

A técnica responsable

De acordo co establecido pola lei Orgánica 15/1999, de 13 de decembro, de Protección de Datos de Carácter Persoal, consinto que estes datos sexan incluídos nun ficheiro automatizado do que é titular CONCELLO DE SAN SADURNIÑO e poidan ser utilizados para a xestión administrativa do Concello, e declaro estar informado/a sobre os dereitos de acceso, rectificación, cancelación e oposición que poderei exercer no domicilio de CONCELLO DE SAN SADURNIÑO na Avda. Marqués de Figueroa 5; 15560 – San Sadurniño.

ANEXO IV

BAREMO PARA DETERMINAR A ASIGNACIÓN DO SERVIZO DE AXUDA NO FOGAR EN RÉXIME DE LIBRE CONCORRENCIA

(modalidade de prestación básica de servizos sociais de atención primaria)

FACTOR 1: AUTONOMÍA PERSOAL (máximo total 40 puntos)

O valor asignado en función da falta de autonomía das persoas será o que se deduza da valoración realizada polos órganos oficiais competentes para a valoración da discapacidade e do grao de dependencia.

As persoas dependentes valoradas que polo calendario oficial de implantación teñan dereito á prestación pola vía de acceso directo do sistema da dependencia (PIA con posible asignación de servizos de axuda no fogar), non poderán acceder polo sistema de libre concorrencia.

A asignación de valor en función do factor “autonomía persoal” realizarase de acordo coa seguinte táboa:

TÁBOA DE EQUIVALENCIAS PARA A VALORACIÓN DO NIVEL DE AUTONOMÍA PERSOAL									
33% a 64%	65% a 74%	75% a 100%	25-39 pts BVD	81% a 87%	50 a 64 pts BVD	88% a 93%	75 a 89 pts BVD	94% a 100%	Grao de discapacidade en menores de 18 anos sen valoración de ATP ou BVD
		75% a 100% e ata 14 pts ATP		75% a 100% e 15 a 29 pts ATP		75% a 100% e 30 a 44 pts ATP		75% a 100% e 45 a 72 pts ATP	Grao de discapacidade + Axuda Terceira Persoa. ATP RD 1971/1999
		75% e ata 24 pts BVD		40 a 49 pts BVD		65 a 74 pts BVD		90 a 100 pts BVD	Grao de discapacidade + Axuda Terceira Persoa. Puntuación BVD (RD. 504/2007)
			Grao I, Nivel 1	Grao I, Nivel 2	Grao II, Nivel 1	Grao II, Nivel 2	Grao III, Nivel 1	Grao III, Nivel 2	Situación de dependencia. Decreto 176/2007
5 pts	10 pts	14 pts	20 pts	24 pts	30 pts	32 pts	38 pts	40 pts	PUNTUACIÓN Nivel de Autonomía persoal
Total puntos autonomía persoal									

FACTOR 2: APOIO SOCIAL (máximo total 20 puntos)

		Puntos
A persoa vive soa e carece de familiares e/ou redes distintas de apoio (20 puntos)		
A persoa vive soa, carece de familiares e só ten apoio do contorno veciñal ou outras redes (18 puntos)		
A persoa convive con persoas sen capacidade para atendela (ata 12 puntos):		
	Cunha persoa maior de 70 anos (3 puntos)	
	Cunha persoa con discapacidade ou dependencia (3 puntos)	
	Cunha persoa que carece de tempo (3 puntos)	
	Con incapacidade para organizarse (3 puntos)	
Os familiares néganse a atendelo/a aínda que teñan posibilidades (8 puntos)		
A persoa vive soa pero hai familiares con posibilidade de atendela no mesmo concello ou a menos de 20 km (5 puntos)		
A persoa está ben atendida (0 puntos)		
		Puntos
Total puntos apoio social		

FACTOR 3: SITUACIÓN FAMILIAR/SOCIALIZACIÓN MENORES (máximo total 20 puntos)

3.1 Conflito (máximo total 4 puntos)	Puntos
Cun membro xerador de conflito de nivel moderado (1 punto)	
Cun membro xerador de conflito de nivel grave (2 puntos)	
Con máis dun membro xerador de conflito de nivel moderado (3 puntos)	
Con máis dun membro xerador de conflito de nivel grave (4 puntos)	
3.2 Limitacións de rol (máximo total 2 puntos)	Puntos
Familias nas que ambos os proxenitores ou titores teñan importantes limitacións físicas ou psíquicas para proporcionar unha axeitada atención aos menores (2 puntos)	
3.3 Monoparentalidade (máximo total 2 puntos)	Puntos
Familias monoparentais que por distintas circunstancias (saúde, traballo, idade avanzada...) non poidan atender aos menores (2 puntos)	
3.4 Habilidades parentais (máximo total 2 puntos)	Puntos
Familias con escasas habilidades parentais (carencia de hábitos alimenticios, aseo persoal, administracións do orzamento, ausencia de roles, organización...) (2 puntos)	
3.5 Número de menores (máximo total 10 puntos)	Puntos
Un menor (3 puntos)	
Dous menores (5 puntos)	
Tres menores (7 puntos)	
Catro ou máis menores (10 puntos)	
	Puntos
Total puntos situación familiar/socialización menores	

FACTOR 4: OUTROS ASPECTOS SOCIAIS (máximo total 20 puntos)

4.1 Vivenda (total 10 puntos)	Puntos
Non hai luz eléctrica (1 punto)	
Non hai auga corrente (1 punto)	
Non posúe WC (1 punto)	
Non posúe cuarto de baño completo (1 punto)	
Non ten neveira (1 punto)	
Non ten quentador (1 punto)	
Non ten lavadora (1 punto)	
Non reúne condicións mínimas de hixiene/habitabilidade (1 punto)	
Existen barreiras arquitectónicas no interior da vivenda (1 punto)	
Existen barreiras arquitectónicas no exterior da vivenda (1 punto)	
4.2 Integración no contorno (total 10 puntos)	Puntos
Situación de illamento ou de rexeitamento (10 puntos)	
Ausencia de relacións sociais (6 puntos)	
Existen escasas relacións coas persoas do contorno (4 puntos)	
Integración axeitada no contorno (0 puntos)	
	Puntos
Total puntos outros aspectos sociais	
TOTAL XERAL	

San Sadurnño, 23 de abril de 2014.

O ALCALDE, Secundino García Casal.